



Medlem af Inatsisartut Laura Táunâjik, Siumut

Pineqarpoq: § 37-i naapertorlugu ulloq unnuarlu angerlarsimaffik Ivaaraq pil-lugu apeqquteqaat

30-11-2015
Sags nr.
Dok. nr. 1658547

Asasara Laura Táunâjik

Postboks 260
3900 Nuuk

Qujanaq ulloq unnuarlu angerlarsimaffik Ivaaraq pillugu apeqquteqaatinnut.

Tlf. (+299) 34 50 00
Fax (+299) 34 66 66

Apeqqtigisatit pillugit ataani akissutigisakka atuarsinnaavatit.

E-mail: inin@nanoq.gl
www.naalakkersuisut.gl

1. Ivaqqap ataani najugaqarfiit; qanoq ilineratigut pineqartut pisortanit takunia- rneqartarpat, aamma nakkutilliisarnertit qaqugukkut ingerlanneqartarpat?

Ilaqutariinnermut, Naligiissitaanermut Isumaginninnermullu Naalakkersuisoqarfimmi Ulloq unnuarlu immikkoortortaqaarfianit kingullertigut november 2014-mi aammalu juni 2012-mi nakkutilliartorfigineqarsimapput. Pilersaarutit naapertorlugit tullissaanik nakkutilliartortoqassaaq 2016-p naajartulernerani.

Tamatuma saniatigut siumut kalerriingikkaluarluni nakkutilliartortoqarsinnaavoq.

2. Innarluutillit qassit Ivaqqami najugaqarpat?

Ulloq 19. novembar 2015 annertuumik innarluutillit 14-t Ivaqqami najugaqarpat. Najugaqartut tallimat 18-t sinnerlugit ukioqartuupput, qulingiluallu 18-t inorlugit ukioqartuullutik.

3. Innarluutillit qanoq amerlatigisut Qaqortup avataanni najugaqarpat?

Qaqortup avataanni Namminersornerusut innarluutilinnut ulloq unnuarlu angerlarsimaffiutaani qulingiluaasuni katillugit 108-t najugaqarpat.

4. Qanoq annertutigisumik innarluutilinnut angajoqqaajusut Qaqortup avataanni najugaqartuusimasaraangata meerarisamik ulluinnarni atugarisaat pillugit akuutinneqartigisarpat?

Meeqqamut 18-liisimangitsumut angajoqqaatut akisussaassuseqartut Ivaqqamilu najugaqartitaqartut, tassani najugaqarmissaat pillugit akuersiteqqaarneqartarpat. Tamatuma saniatigut kommunerisaaq angajoqqaallu suleqatigalugit siumut pilersaarusiortoqarnissaa ulloq unnuarlu angerlarsimaffiup isumagisarpaa.

Ukiumut ataasiarluni angajoqqaajusup peqataaffigisaannik pineqartup katsorsarneqartarnera pillugu ataatsimeeqqatigittoqartartussaavoq, tamannalu inatsisitigut naqissuserneqarnikuuvoq. Tamatuma saniatigut assigiinngitsutigut isu-

maqatigiissusiortoqarsinnaasarpat qanoq pissuseqarluni ulloq unnuarlu angerlarsimaffiup, angajoqqaattut akisussaassuseqartup meeqqallu akornanni ataveqatigiittoqartassanersoq.

Ulloq unnuarlu angerlarsimaffiup pilersaaruteqarfigivaa angajoqqaanik suleqateqartarnerup annertusaavigineqarnissaa, tamannali ataatsimeeqqatigiittarnikut pisassasoq. Qaqortup avataanni najugaqartunut oqarasuaatikkut ingerlanneqartartussanik.

5. Sulisut qassit Avaqqami atorfeqartinneqarpat?

- a. Taakkua akornanni innarluutilinnik sullissinissamut ilinniagaqarsimasuuppat?**
- b. Suliamik ilinniagaqarsimangitsut qassit sulisorineqarpat?**

Katillugit inuit 46-t, pigaartuusartut ilanngullugit, ulloq unnuarlu angerlarsimaffianni sulisorineqarput.

Taakkunannga suliamik ilinniagaqarsimasuni perorsaasutut ilinniagallit marluupput, arfinillit isumaginninnermut ikiortitut ilinniarsimasuupput ataaserlu fysioterapeut-itut ilinniarsimasuulluni.

6. Sulisorineqartut sulinerminni atugarisaat qanoq aalajangersaavigineqarsimappat, toqqissisimangikkunillu, taava sumut saaffiginnissuteqarsinnaappat?

- a. Qanoq periuseqartumik illersorneqartarpat?**

Sulisorineqartut isumaqatigiissutit nalinginnaasut toqqammavigalugit atorfeqartinneqarput.

Ukiut tamaasa suliffeqarfiup ingerlanneqarnera pillugu APV-mik ingerlatsisoqartarpoq, taamaasiornikkut anguniarlugu suliffiup peqqinnartumik atoruminartumillu pissuseqartuunissaa.

Siullermik isumannaatsumik ingerlatsisoqarnissaa eqqarsaatigalugu pisussaaf-feqarput pisortaqtigii. Pisortaasullu tamanna aqutissiuussinnaasimangikkunikkutaava sulisut ataasiakkaat qisuariaateqarsinnaapput, soorluli aamma suliffeqarfinni allani taamaasiortoqartarpoq, piffimmi isumannaallisaanissaq pillugu sinniisuutitarsamut/ sulisulluunniit sinniisaanut imaluunniit sulisuusut peqatigiiffiannut saaffiginnissuteqartoqarsinnaalluni. Taakkuli naliliinertik toqqammavigalugu sulisut soqutigisaat aallaavigalugit qanoq iliuuseqarsinnaapput, pisariaqarsimappallu suliniutip naapertuuttumik aallartinneqarnissaanik isumaginnittuusinnaallutik.

7. Qanoq pisortatigut pissutsit isikkoqarpat?

- a. Kikkut atorfinittisisuusarpat?**

Pisortaqtigii tassaapput pisortaaneq, tullersortaa aammalu immikkoortuni pisortat marluk. Maannakkorpiaq tullersortitut atorfik inuttaqanngilaq.

Isumaginninnermut Pisortaqarfiup ataani ulloq unnuarlu immikkoortortaqarfiup namminersornerusut ulloq unnuarlu angerlarsimaffiutaani pisortaasunik atorfinittisisanermik isumaginnittuusarpoq. Pisortaasut nammineeertut angerlarsimaffinni

ataasiakkaani suleqatigisassaminnik atorfinittisisuusarput. Tassungali tunngatillugu atorfinittisisartoqatigiinnik pilersitsisoqartartussaalluni.

8. Qanoq amerlatigisut kingullermik pisortassarsiornermi qinnuteqaateqarsimappat?

Kingullermik ulloq unnuarlu angerlarsimaffimmut pisortassarsiornermi qinnuteqaateqartut 6-usimapput.

9. Ivaqqami pisortaassagaanni piumasaqaatit suut naammassineqarsimasari-aqarpat?

Ilaqutariinnermut, Naligiissitaanermut Isumaginnermullu Naalackersuisoqarfiup Ulloq unnuarlu immikkoortortaqaafiata ulloq unnuarlu angerlarsimaffinnut aqutarisaminut pisortassanik inuttassarsiugaangami, tamatumani atorfinitsinniartarpai perorsaasutut ilinniarsimasut imaluunniit allamik naapertuuttumik ilinniagaqarsimasut. Tamatuma saniatigut pingaartinneqartarpoq pisortatut misilittagaqartuuneq, ingerlatsinermik misilittagaqartuuneq aningaasatigullu aqutsisinnaassuseqarneq. Tamatumali saniatigut namminersornerusut ulloq unnuarlu angerlarsimaffiutaanik pitsaasumik suleqateqarsinnaassuseqarnissaa pingaartinneqartarluni. Aammattaaq pisortaqaarfiup pingaaruteqartutut isiginiartarpaa qinnuteqaateqartup marloqiusamik oqaaseqaaseqartuunera.

Taaneqartut tamakku Ivaqqami pisortanngussagaanni soorunalimi aamma atuupput.

10. Ulloq unnuarlu angerlarsimaffik Namminersorlutik Oqartussat ataaniippoq, kina tamatumani akisussaava?

Ivaaraq Isumaginninnermut Naalackersuisoqarfimmi Namminersorlutik Oqartussat ilaani inissisimasuuvoq. Naalackersuisoqarfiup ingerlatsivik nakkutilliisuuffigivaa aammalu akisussaaffimmik tigummiartuunermigut illersorneqarsinnaasumik ingerlatsiviunissaa nakkutigisarissallugu. Ulluinnarni perorsaanermillu ingerlatsinerit ulloq unnuarlu angerlarsimaffimmi pisortaasumit isumagineqartussaapput.

Inussiarnersumik inuulluaqqusillunga

Martha Lund Olsen